

» le seguita così, no ghè più speranza, no ghè più gnente. Come
 » sussisterà la piazza? Come la mercatura? Chi poderà più frenar
 » el ministero? Ghe sarà dei disordini: chi più parlarà, se gnente
 » ancuo le rissolve? Ghe ze i disordini, ghe ze nota la causa, ghe
 » ze el pericolo del progresso. Se no i ghe ze, ho fatto mal a parlar.
 » Doveva taser. Ma se i ghe ze, se ghe pol rimediar. Le vadi nel
 » bossolo rosso non sincero, e la serenissima Signoria se prestarà,
 » ghe ne son certo, con sollecitudine.

» Ma le ze troppe cose, troppo grande, impossibili, no se pol
 » far, no se farà. No se pol far? E mi con elle per un poco ghe
 » concedo: no se pol far. La ze una rason, che le vada nel non
 » sincero, e allora se no se poderà far, se la fatalità del nostro de-
 » stin ne mette in sta impossibilità, sto no se pol far sia almanco con
 » decreto pubblico registrà, onde, se doveremo per una dura neces-
 » sità consegnar ai nostri posteri un governo con dei massimi disor-
 » dini, ghe sia un attestato indubitabile, ch'el principe affettuoso al
 » so popolo era impegnà a medicarghene le piaghe, ma che ste
 » piaghe era insanabili. Le rissolva, le comandi; nè le faccia, che
 » el so quietismo tiri le maledizion sulle loro ceneri. A queste le
 » procuri pace col comandar, che sia fatto. Ste maledizion dei so
 » posteri le le eviti. Ma, chi poderà dir, che no se pol far? Se tratta
 » de un parrido de carni, de un monopolio de salumieri, de luga-
 » negheri, de botteghieri da ogli e bottiri, e de panni. Dove ze
 » l'autorità del Senato? El Mazor Conseggio ga delegà la economia
 » sulle arti, sui partiti: el Mazor Conseggio no poderà comandar
 » sull'economia, su el costume? El Mazor Conseggio gha la virtù,
 » el ga l'autorità, la ga el Senato. E no se pol far e no se farà? No
 » ghè cittadin, ch'el passa dir, dopo che VV. EE. coi voti non sin-
 » ceri averà comandà. Un partido de carni piantà sulle leggi, che
 » ghe ne vol la triplice division, sulla rason, sulla politica, che no
 » pregiudichi l'erario, che nol sia fatal alla nazione; nol sarà possi-
 » bile; un ministero, che tolto da quel caliginoso velo, ch'el copre,
 » serva e sia pagà e non sia alla necessità d'esser inonesto, el sarà